



BANK PERTANIAN MALAYSIA BERHAD (200801010522 (811810-U)

TERMA DAN SYARAT TAMBAHAN BAGI AKAUN SIMPANAN AGRO FARAH-i

Terma dan Syarat Tambahan bagi Akaun Simpanan Agro Farah-i ini (“Terma & Syarat ini”) hendaklah dibaca bersama dan tertakluk kepada Terma dan Syarat Bagi Akaun Deposit. Untuk tujuan Terma & Syarat ini, perkataan dan ungkapan yang berikut akan mempunyai maksud yang diperuntukkan kepadanya kecuali konteks memerlukan yang sebaliknya:-

1. DEFINISI

- Akaun Deposit** : merujuk kepada Akaun GIRO, Akaun Simpanan, Akaun Deposit Berjangka termasuk mana-mana akaun yang telah atau baru diperkenalkan oleh Bank dari semasa ke semasa.
- Akaun Simpanan Agro Farah-i** : merujuk kepada Akaun Simpanan (Penyata) berasaskan kontrak Syariah Tawarruq yang direka khusus bagi individu wanita yang mempunyai status warganegara Malaysia, penduduk tetap atau bukan warganegara Malaysia yang berumur lapan belas (18) tahun ke atas semasa pembukaan Akaun Utama yang direka bagi menghargai peranan wanita dalam institusi kekeluargaan dengan menawarkan Bonus tambahan kepada Pemegang Akaun.
- Akaun Sub** : merujuk kepada akaun simpanan dan/atau akaun GIRO Agrobank yang dikendalikan oleh Suami dan/atau Anak kepada Pemegang Akaun Utama. Setiap satu (1) Akaun Sub hanya boleh dipautkan (“linked”) kepada satu (1) Akaun Utama.
- Akaun Utama** : merujuk kepada Akaun Simpanan Agro Farah-i. Akaun Utama ini boleh dipautkan (“linked”) kepada beberapa Akaun Sub.
- Anak** : merujuk kepada anak jagaan sah kepada Pemegang Akaun Utama. Pendaftaran/pautan akaun simpanan dan/atau akaun GIRO bagi Anak sebagai Akaun Sub kepada Akaun Utama adalah tertakluk kepada dokumen pendaftaran dan/atau dokumen penjagaan anak yang sah.
- Bank** : merujuk kepada Bank Pertanian Malaysia Berhad atau dikenali sebagai “Agrobank” termasuk cawangan-cawangan serta penerima-penerima serah hak dan penerima-penerima hakmiliknya.
- Bonus** : merujuk kepada insentif tambahan yang diberikan oleh pihak Bank atas budibicara kepada Pemegang Akaun Simpanan Utama. Bonus (sekiranya ada) akan dikreditkan ke dalam Akaun Utama setiap satu

**BANK PERTANIAN MALAYSIA BERHAD (200801010522 (811810-U)**

(1) hari bulan pada bulan yang berikutnya atau pada bila-bila masa yang ditentukan pihak Bank.

- Pemegang Akaun Utama atau Pelanggan** : merujuk kepada individu wanita yang mempunyai status warganegara Malaysia, penduduk tetap atau bukan warganegara Malaysia yang berumur lapan belas (18) tahun ke atas semasa pembukaan Akaun Utama.
- Suami** : merujuk kepada suami kepada Pemegang Akaun Utama yang memiliki dokumen sokongan bagi menentukan taraf perkahwinan yang sah.
- Terma & Syarat ini** : merujuk kepada Terma dan Syarat Tambahan bagi Akaun Simpanan Agro Farah-i ini dan hendaklah termasuk apa-apa pindaan, perubahan dan penambahan yang dibuat dan dimaklumkan kepada Pelanggan dari semasa ke semasa oleh pihak Bank, melalui, jika dinyatakan sebaliknya di sini, di laman sesawang Bank di www.agrobank.com.my.

2. DEPOSIT PERMULAAN MINIMUM

- 2.1 Permohonan pembukaan Akaun Utama hendaklah dibuat oleh individu yang memenuhi kriteria kelayakan dengan mengemukakan Borang Permohonan kepada pihak Bank. Kriteria kelayakan adalah tertakluk kepada polisi dan prosedur semasa pihak Bank termasuk umur, deposit permulaan minimum, dan dokumen-dokumen sokongan seperti yang dikehendaki oleh pihak Bank. Deposit permulaan minimum bagi pembukaan Akaun Utama adalah seperti di bawah:-

Kategori Akaun	Deposit Permulaan Minimum
Individu – Warganegara	RM20.00
Individu – Bukan Warganegara	RM100.00

- 2.2 Jumlah minimum bagi deposit dan pengeluaran wang melalui mesin teler automatik (“ATM”) dan mesin deposit tunai (“CDM”) adalah tertakluk kepada denominasi yang tersedia manakala urusan melalui kaunter adalah Ringgit Malaysia Satu (RM1.00).

3. BAKI MINIMUM

- 3.1 Jumlah baki minimum yang perlu dikekalkan di dalam Akaun Utama adalah seperti di bawah:-

Kategori Akaun	Baki Minimum
Individu – Warganegara	RM10.00
Individu – Bukan Warganegara	RM20.00



BANK PERTANIAN MALAYSIA BERHAD (200801010522 (811810-U)

4. BILANGAN AKAUN

- 4.1 Setiap Pelanggan hanya boleh membuka hanya satu (1) Akaun Utama. Pembukaan Akaun Utama melebihi satu (1) adalah tidak dibenarkan. Walau bagaimanapun, pembukaan akaun simpanan dan/atau akaun GIRO yang lain adalah dibenarkan.
- 4.2 Setiap Akaun Utama boleh dipautkan ("linked") kepada beberapa Akaun Sub. Walau bagaimanapun, setiap Akaun Sub hanya boleh dipautkan ("linked") kepada satu (1) Akaun Utama sahaja.
- 4.3 Pendaftaran Akaun Utama sebagai Akaun Sub kepada Akaun Akaun Utama yang lain adalah tidak dibenarkan.

5. KEUNTUNGAN DAN BONUS

- 5.1 Keuntungan
 - a. Jumlah keuntungan dikira secara harian mengikut kadar keuntungan efektif ("KKE") seperti yang ditetapkan oleh pihak Bank dari semasa ke semasa. Jumlah keuntungan yang terakru akan dikreditkan ke dalam Akaun Utama Pelanggan pada akhir setiap bulan atau pada jangka masa yang ditentukan oleh pihak Bank. Formula yang digunakan adalah berikut:

Pengiraan Keuntungan Harian

Keuntungan Harian = DBH x KKE /365 atau 366

Di mana;

DBH = Deposit bersih harian dalam Ringgit Malaysia (RM).

KKE = Peratus (%) bagi kadar keuntungan efektif bagi Akaun Utama

Pengiraan Harga Belian Bank

Harga Belian Bank = DBH x KKS x T/365 atau 366

Di mana;

DBH = Deposit bersih harian dalam Ringgit Malaysia (RM)

KKS = Peratus (%) bagi kadar keuntungan siling bagi Akaun Utama

T = Bilangan hari dari tarikh kemasukan sehingga tarikh Tamat Tempoh Akad
(iaitu pada 31 Disember pada setiap tahun)

- b. Struktur KKE adalah mengikut ketetapan bagi setiap produk atau kempen dan hendaklah ditentukan oleh pihak Bank dari semasa ke semasa mengikut struktur yang berikut:-



BANK PERTANIAN MALAYSIA BERHAD (200801010522 (811810-U)

- (i) Kadar rata tunggal;
- (ii) Kadar bertingkat berdasarkan kadar tunggal mengikut jumlah keseluruhan deposit; dan/atau
- (iii) Kadar berasingan berdasarkan KKE yang berbeza bagi setiap baki Akaun Utama yang berada dalam julat yang ditetapkan.

Pengiraan keuntungan harian adalah tertakluk kepada keperluan baki minimum di dalam Akaun Utama dan ketetapan pada sistem Bank.

- c. Pelanggan bersetuju memberikan rebat (*ibra'*) kepada pihak Bank sekiranya berlaku perkara-perkara yang berikut:-
 - (i) Pengeluaran atau pemindahan wang simpanan sebelum Tarikh Tamat Tempoh Akad bagi tahun semasa (iaitu pada 31 Disember pada tahun semasa);
 - (ii) Penutupan Akaun Utama dilakukan sebelum Tarikh Tamat Tempoh Akad bagi tahun semasa;
 - (iii) Kadar keuntungan siling ("KKS") semasa akad adalah lebih tinggi dari KKE;
 - (iv) Akaun Utama dibekukan oleh pihak Bank; dan/atau
 - (v) Baki Akaun Utama adalah kurang dari keperluan baki minimum.

Pengiraan rebat (*ibra'*)

Rebat (*ibra'*) = Harga Belian Bank – Jumlah Keuntungan Terakru yang perlu dibayar

- d. Sekiranya berlaku perubahan pada kadar dasar semalam yang mengakibatkan KKE bagi pengiraan keuntungan harian adalah melebihi dari KKS yang diakadkan, jumlah lebihan yang dikreditkan ke dalam Akaun Utama tersebut akan dikira sebagai hibah (iaitu hadiah) daripada pihak Bank kepada Pelanggan.
- 5.2 Bonus
- a) Pembayaran Bonus menggunakan kontrak Syariah Hibah Mu'allaqah. Pemegang Akaun Utama perlu memenuhi terma dan syarat yang dinyatakan dan layak menerima Bonus tambahan mengikut formula pengiraan yang ditetapkan seperti berikut:-



BANK PERTANIAN MALAYSIA BERHAD (200801010522 (811810-U)

Formula Pengiraan Bonus

$$\text{Bonus} = (\text{Jumlah Keuntungan}/\text{Hibah yang dikreditkan ke dalam Akaun Sub}) \times 50\%$$

Ilustrasi pembayaran Bonus adalah seperti jadual di bawah:

KATEGORI AKAUN	PEMEGANG AKAUN	BAKI BULANAN	KADAR KEUNTUNGAN (p.a.)*	KEUNTUNGAN BULANAN	BONUS DIKREDIT KE AKAUN UTAMA**
Utama	Wanita/ Ibu	RM5,000.00	1.00%	RM4.17	
Sub	Suami	RM5,000.00	1.00%	RM4.17	RM2.08
Sub	Anak 1	RM1,500.00	0.50%	RM0.63	RM0.31
Sub	Anak 2	RM1,500.00	0.50%	RM0.63	RM0.31
Sub	Anak 3	RM1,000.00	0.50%	RM0.42	RM0.21
Sub	Anak 4	RM1,000.00	0.50%	RM0.42	RM0.21
Sub	Anak 5	RM1,000.00	0.50%	RM0.42	RM0.21
JUMLAH BONUS DIKREDIT KE AKAUN UTAMA					RM3.33

NOTA:

- * Kadar keuntungan adalah bagi tujuan simulasi sahaja. Kadar keuntungan sebenar adalah tertakluk kepada KKE bagi setiap akaun simpanan dan/atau akaun GIRO.
- ** Tambahan sebanyak lima puluh peratus (50%) berdasarkan keuntungan/hibah yang dikredit ke dalam Akaun Sub akan dikredit ke dalam Akaun Utama sebagai bayaran Bonus.

- b) Bonus (sekiranya ada) akan dikreditkan ke dalam Akaun Utama setiap satu (1) hari bulan pada bulan yang berikutnya.
- c) Bonus tidak akan dikredit ke Akaun Utama jika pautan dengan Akaun Sub dihentikan dan/atau sekiranya Akaun Sub ditutup sebelum keuntungan dibayar berdasarkan bulan yang lengkap.
- d) Pelanggan perlu memastikan Akaun Utama dan Akaun Sub dalam keadaan aktif, tidak dikategorikan sebagai dorman (iaitu tiada transaksi dijalankan untuk tempoh dua belas (12) bulan atau lebih), atau dibekukan oleh pihak Bank di atas sebab-sebab yang tertentu.
- e) Pembayaran Bonus adalah di atas budibicara pihak Bank dan pihak Bank tidak mempunyai sebarang obligasi untuk membuat pembayaran Bonus kepada Pemegang Akaun Utama.



BANK PERTANIAN MALAYSIA BERHAD (200801010522 (811810-U)

6. PERUNTUKAN SAMPINGAN

- 6.1 Selain daripada terma-terma dan syarat-syarat yang terkandung dalam Terma & Syarat ini, terma-terma dan syarat-syarat lain termasuklah definisi yang termaktub di dalam Terma dan Syarat Bagi Akaun Deposit hendaklah diguna pakai dalam Terma & Syarat ini.
- 6.2 Sekiranya terdapat mana-mana terma dan syarat yang tidak konsisten atau terdapat percanggahan di antara Terma & Syarat ini dengan mana-mana risalah pemasaran dan bahan-bahan promosi yang berkaitan dengan produk atau kempen, Terma & Syarat ini akan diguna pakai.
- 6.3 Terma & Syarat ini dikeluarkan dalam kedua-dua Bahasa Inggeris dan Bahasa Malaysia. Sekiranya terdapat apa-apa yang tidak konsisten atau terdapat percanggahan di antara versi Bahasa Inggeris dan versi Bahasa Malaysia, versi Bahasa Malaysia ini akan diguna pakai.
- 6.4 Bagi mendapatkan maklumat lanjut atau sebarang pertanyaan, sila kunjungi cawangan Agrobank berdekatan dengan mematuhi SOP yang telah ditetapkan oleh Majlis Keselamatan Negara (MKN) atau hubungi pihak Bank di:
 - Pusat Panggilan di 1-300-88-2476
 - Melawat laman korporat di www.agrobank.com.my

-TAMAT-

Versi 2023/1